

O PSOE de Nigrán denuncia a suciedade dos areais. O concello négao. Quen minte?

Escrito por Redaccion @valminorinfo
Luns, 14 Abril 2014 14:30



PSOE e PP de Nigrán enzárganse nunha disputa sobre o estado e limpeza dos areais de Nigrán. Os primeiros denuncian o seu abandono, os segundos acusan ao partido da oposición de mentir. Pero... quen di a verdade?

A disputa política no Val Miñor aseméllase máis a un partido de tenis onde gobernos e grupos da oposición inician os "sets" lanzando unha acusación ao adversario político para que seguidamente o aludido responda con outra versión dos feitos totalmente oposta. No medio, como espectadores, os cidadáns, que en nalgún dos casos son testigos dos feitos, pero no noventa e nove por cento carecen da información e documentación pública para poder tomar unha opinión en consecuencia.

Esa falta de información e de transparencia de todas as administracións son as que propician esas "boleas" de acusacións con titulares en prensa onde non queda claro quen di a verdade ou quen minte, e que a única información ou documentación que fan público cínquese ao beneficio dunha das partes.

O pasado sábado día 12 de abril o portavoz do grupo socialista de Nigrán, Juan A. González remitía un comunicado denunciando o estado de abandono do principal areal de Nigrán e acusaba ao goberno municipal de Alberto Valverde (PP) como responsable, fando un inciso nas competencias das áreas de Vías e Obras e Medioambiente transferidas ao rexedor, logo das repetidas dimisións e escisións do goberno municipal.

Para ilustrar a denuncia, o portavoz socialista remite aos medios de comunicación sete imaxes do areal de Lourido (Praia América) con restos orgánicos de algas mixturados con un importante volume de plásticos e restos de artes de pesca arrastrados polo mar.

O luns 14 de abril, o alcalde Nigrán responde como portavoz do seu partido (PP) nun comunicado á denuncia dos socialistas, negando os feitos e acusando ao portavoz socialista de "mentir" únicamente con fines "partidistas". Para apoiar a súa afirmación, envía unha imaxe do areal de Praia América limpo. Alberto Valverde manifesta no seu escrito que *"la verdadera imagen de los arenales de Nigrán es la de la fotografía que se adjunta"* en alusión á imaxe.

Quen día a verdade e quen minte?

Para poder aclarar se é certo ou non a información remitida por ambos partidos bastaría con achegarse inmediatamente ao areal ese mesmo sábado e comprobalo in situ. Pero dado que xa pasaron varios días e non puidemos ser testigos dos feitos para ratificar a denuncia, e dado que dende o PP de Nigrán fan pública unha imaxe totalmente distinta do areal, só mentes queda acudir á tecnoloxía ou ao que legalmente se coñece como a peritaxe informática.

As fotografías realizadas con cámaras dixitais, sexan cámaras reflex, compactas ou mesmo as cámaras dos teléfonos móbiles, gardan información de metadatos que identifican todo o proceso informático de creación e modificación da imaxe captada. Vería sendo o seu ADN informático, onde amosaría todos os datos dos que a cámara dispoña, incluso a súa xeolocalización no caso dos dispositivos con GPS. Ese ADN da imaxe é o que se coñece técnicamente como código EXIF.

Una vez pasadas as imaxes por un lector dos metadatados EXIF estes foron os resultados.

A imaxe do PSOE de Nigrán

O PSOE de Nigrán denuncia a suciedade dos areais. O concello negao. Quen minte?

Escrito por Redaccion @valminorinfo
Luns, 14 Abril 2014 14:30



Imagen

Campo	Contenido
 Manufacturer	Sony Ericsson
 Image input equipment model	LT18i
 Orientation of image	0° (top/left)
 Image resolution in width direction	72 dpi
 Image resolution in height direction	72 dpi
 Unit of X and Y resolution	inch
 Software	4.1.B.0.587_2d_f200
 File change date and time	2014-04-12 08:38:53

Y and C positioning: Centered

O PSOE de Nigrán denuncia a suciedade dos areais. O concello négao. Quen minte?

Escrito por Redaccion @valminorinfo
Luns, 14 Abril 2014 14:30



Imagen

Campo	Contenido
Manufacturer	Apple
Image input equipment model	iPhone 5s
Orientation of image	0° (top/left)
Software	7.0.6
File change date and time	2014-04-14 10:39:35
Y and C positioning	Centered
Exif IFD Pointer	0x000008C8
???	4.12, 4.12, 2.2, 2.2
???	Apple

Conclusions

A imaxe da denuncia do PSOE de Nigrán correspondente ao 12 de abril **é VERDADEIRA**. Ese era o estado do areal na hora na que foi sacada a imaxe o pasado sábado ás 8:38h da mañá.

O PSOE de Nigrán denuncia a suciedade dos areais. O concello négao. Quen minte?

Escrito por Redaccion @valminorinfo
Luns, 14 Abril 2014 14:30

A fotografía remitida polo PP de Nigrán foi sacada dous días despois da denuncia. Polo tanto a acusación de Alberto Valverde sobre a falta de veracidade da denuncia do PSOE **é FALSA**. O único certo da imaxe remitida polos populares é que amosa o estado actual do areal con data 14 de abril, pero en todo caso posterior á denuncia do partido da oposición e logo do paso da maquinaria de limpeza.

{jathumbnail off}